

## **INNKALLING TIL MØTE I FORSKINGS- OG FORMIDLINGSUTVALET**

**11. september 2018 kl. 11.15 – 13.00**

**Stad:** Kollokvierom 216, Sydneshaugen skole

**Innkalt:** Eike Schnall (leiar), Agnete Nesse, Scott Rettberg (for Henning Laugerud), Gisle Selnes (for Christine Hamm), Erik Bjerck-Hagen, Samantha Smith (for Fredrik Parelus) og Juliane Tiemann.

**Forfall:** Gunnstein Akselberg

**Frå administrasjonen:** Håvard Ø. Peersen og Anne Berit Apold

### **Saker:**

I Godkjenning av innkalling

II Framlegging av referat frå møtet 5.6.2018 ([lenke](#))

17. Høyring - Forskrift for graden philosophia doctor (ph.d.) ved Universitetet i Bergen - diskusjonssak

18. Justert tidsplan for oppretting av eige ph.d.-program for Det humanistiske fakultet - diskusjonssak

19. Oppfølging av ph.d.-kandidatar som har vore lenge i ph.d.-programmet - diskusjonssak

20. Orienteringssaker

21. Ymse

**SAK 17 Høyring - Forskrift for graden philosophia doctor (ph.d.) ved Universitetet i Bergen - diskusjonssak**

Forslag til endringar i Forskrift for graden philosophiae doctor (ph.d.) ved Universitetet i Bergen er sendt ut til høyring til fakulteta. I brev datert 15.08.2018 inviterer Det humanistiske fakultet institutt og senter til å koma med kommentarar til framlegget til ny ph.d.-forskrift. FFU vert med dette invitert til å drøfta sak og koma med innspel til eit høyringssvar frå LLE. Saka vert òg sendt ut til alle ved LLE slik at interesserte kan koma med eventuelle innspel før møtet i FFU.

**Vedlegg (sjå eige dokument):**

- Høyringsbrev frå fakultetet datert 15.8.2018
- Høyringsbrev frå FA datert 21.6.2018
- Forslag til endring av dagens ph.d.-forskrift
- FA sine kommentarar til endringar i ph.d.-forskrifta
- FA delegasjon i høve revisjon av ph.d.-forskrifta

**SAK 18 Justert tidsplan for oppretting av eige ph.d-program for det humanistiske fakultet – diskusjonssak.**

Det humanistiske fakultet har sidan januar arbeidd med å førebu opprettinga av eit eige fakultetsvist ph.d.-program for HF. Arbeidet er tett knytt opp til revidering av Forskrift for graden philosophiae doctor (ph.d.) ved Universitetet i Bergen. Den sentrale tidsplanen har blitt endra fleire gongar, siste gong i brev frå FA datert 29.6.2018. I brev frå fakultetet datert 15.8.2018 er det lagt fram ein justert tidsplan for det avsluttande arbeidet med det nye ph.d.-programmet, med tanke på at grunneiningane skal kunne planlegge sitt eige arbeid inn mot denne prosessen. I tidsplanen er det lagt opp til at utkast til ph.d.-program vert sendt på høyring til institutta 3. oktober med høyringsfrist 31. oktober. Ved LLE vil FFU få ei sentral rolle i denne høyringssaka. Korleis skal me gå fram for å leggja til rette for ein god og effektiv prosess ved LLE?

**SAK 19 Oppfølging av ph.d.-kandidatar som har vore lenge i ph.d-programmet - diskusjonssak**

I denne saka vert FFU invitert til ei drøfting om korleis instituttet kan følgja opp ph.d.-kandidatar som har vore relativt lenge i forskarutdanningsprogrammet etter at finansieringa tok slutt. Konkret gjeld dette 7-8 kandidatar der finansieringa tok slutt mellom 2004 og 2014. Det har ikkje vore praksis ved HF å „skriva ut“ kandidatar frå programmet, men ved å følgja opp desse kandidatane kan ein håpa på ei re-aktivering av prosjekta, eventuelt ei utskrivning av kandidatar som ikkje har planar om å fullføra forskarutdanninga.

- Kva fagleg støtte er det rimeleg å tilby desse kandidatane (rettleiing, høve til å leggja fram materiale frå avhandlinga i forskargrupper/seminar, meisterklasse)?
- Viss instituttet skal be kandidatane laga ein plan for ferdigstilling av avhandlinga, er det rimleg å setje ei tidsavgensing (eitt år, to år)?

- Kva frist er det rimleg å gje kandidatane for å respondera på eit brev frå instituttet (ein månad, to månader, tre månader...)?
- Under kva vilkår er det aktuelt med utskriving?

## SAK 20 Orienteringssaker

**a) Individual Fellowship 2018 (postdoktorstipend frå Marie Curie), søknadsfrist 12. september.**

**b) Nasjonal satsing på forskingsinfrastruktur (Forskingsrådet), søknadsfrist 12. oktober.**

**c) Stipendiatstillingar.**

Det har vore lyst ut ei stipendiatstilling (4-årig) i samband med Helen Francis-Leslie sitt BFS-prosjekt, og tre stipendiatstillingar (ei 4-årig og to 3-årige) knytt til Jill Walker Rettberg sitt ERC-prosjekt. For dei opne stipendiatstillingane med søknadsfrist like etter påske er det tilsett 3 stipendiatar; Erlend Liisberg (allmenn litteraturvitskap), Hannah Ackermans (digital kultur) og Nina Stensaker (norrøn filologi).

**d) Postdoktorstillingar.**

Det er tilsett 4 postdoktorar ved LLE og desse er: Bamba Dione (datalogvistikk), Peter Svare Valeur (allmenn litteratur), Tonje Haugland (kunsthistorie) og Randi Neteland (nordisk språk). I tillegg er det lyst ut ei postdoktorstilling i allmenn litteraturvitskap der søknadsfristen var 24.6.2018.

**e) Innmelding av publikasjonskanalar til NSD.**

Frist for innmelding er 30. november

**f) Omlegging av Forskingsrådet sine rutinar for utlysing av prosjektmidlar**

Målet er at forskingsfinansiering frå Forskingsrådet skal følgje dei rutinar som blir brukte i EU. Det skal bli ein gjennomgåande struktur for alle programråde, der søknadene vil bli vurderte etter følgjande kriterier:

- Originalitet og innovasjon (Excellence)
- Verknad og effekt (Impact)
- Gjennomføring (Implementation)

Neste søknadsfrist blir 10. april, og til dess vil det komme nye nettsider og nye malar. Forskingsavdelinga ved UiB har etablert ei eiga arbeidsgruppe som skal førebu fakultet, institutt og forskarar på omlegginga og lage eit opplegg for brukarstøtte.